

Headline	Jangan buat spekulasi tarikh pengumuman bonus Tabung Haji		
MediaTitle	Utusan Malaysia		
Date	26 Jan 2016	Color	Black/white
Section	Dlm Negeri	Circulation	171,663
Page No	12	Readership	563,000
Language	Malay	ArticleSize	101 cm ²
Journalist	N/A	AdValue	RM 1,316
Frequency	Daily	PR Value	RM 3,948



Jangan buat spekulasi tarikh pengumuman bonus Tabung Haji

KUALA LUMPUR 25 Jan. - Lembaga Tabung Haji (Tabung Haji) menyarankan umat Islam di negara ini dan pendeposit tidak membuat spekulasi berkaitan dengan tarikh pengumuman bonus tahunan yang akan dikeluarkan.

Tabung Haji dalam satu kenyataan melalui akaun Facebook miliknya menjelaskan, pengumuman bonus pendeposit biasanya akan dibuat pada suku pertama iaitu Januari hingga Mac tahun semasa.

Jelas kenyataan itu, Tabung Haji perlu memastikan semua proses audit awalan dilalui dan memperoleh kelulusan dalaman.

"Konsep simpanan di Tabung Haji adalah Al-Wadiah Yad Dhamanah yang mana sebarang pulangan adalah dalam bentuk hibah tertakluk kepada prestasi kewangan tahun semasa dan budi bicara pengurusan.

"Konsep ini tiada bezanya dengan konsep Al-Wadiah oleh institusi perbankan Islam yang lain," kata kenyataan itu di sini hari ini.

Kenyataan itu dibuat berikutan wujud dakwaan terutama oleh portal berita propembangkang bahawa Tabung Haji gagal mengisytiharkan dividen kepada sembilan juta pendeposit yang sepatutnya dibayar pada Jumaat lalu.

Tambah kenyataan itu, Tabung Haji pernah mengumumkan bonus pendeposit pada hujung Februari dan awal Mac, bagaimana pun tahun lalu pengumuman bonus dapat dilakukan lebih awal.

"Walaupun tahun 2015 adalah mencabar tetapi kita percaya hasil strategi alokasi asetnya dapat membantu pulangan pendapatan.

"Oleh itu, para pendeposit seharusnya tidak mengambil berita spekulasi yang akan mencetuskan kebimbangan," kata kenyataan itu.